

## ҚАЗАҚСТАН МЕН ОРТА АЗИЯНЫҢ БИК ТАУЛЫ АЙМАҚТАРЫНДАҒЫ ЖЕРГІЛІКТІ ПОПУЛЯЦИЯЛАРДЫҢ ГЕНЕТИКАЛЫҚ АРАҚАШЫҚТАРЫ

Жергілікті популяцияларды серологиялық зерттеу үрдістерінің логикалық жалғасы болатын – популяциялардың генетикалық арақашықтарын зерттеу. Бұндай зерттеу, мысалы, жергілікті популяциялардың көптеген генетикалық маркерлеріне қоршаған ортандың әсер ету үкіастығына негізделген генетикалық жақындық дәрежесі бойынша алынған нәтижелердің нактылауға және сол популяциялар жөнінде қосымша нәтижелерді алуға мүмкіндік береді.

Сонымен, Қазакстандағы Тянь-Шань тау етегінен Қырғызстанның Памир тау басына дейін жайылған бірлескен таулы ортасында мекендейтін қазақ, ұйғыр және қыргыз жергілікті популяцияларды жеті генетикалық полиморфтық жүйелері бойынша серологиялық зерттеу нәтижелерінде аталмыш популяциялары аралығындағы генетикалық жақындық дәрежелері әр түрлі екені анықталды [1].

Осы жұмыста серология бойынша алынған нәтижелерді раставу немесе теріске шығару мақсатымен аталмыш популяциялардың генетикалық арақашықтықтарын зерттеуі жүргізіліп отыр.

### Материалдар мен әдістер

Зерттеуге алынған объект ретінде Жетісудегі Кеген аймағының (білдігі теніз деңгейінен 2100 м жоғары) қазақ популяциясы, салыстырмалы популяциялары ретінде Алматы облысы Пянъ ауылының (білдігі теніз деңгейінен 600 м жоғары) ұйғыр, Қырғызстанның Талас (білдігі теніз деңгейінен 900 м жоғары) және Сары-Таш (білдігі теніз деңгейінен 3200 м жоғары) аймақтарының қыргыз популяциялары. Популяциялар мекендейтін аймақтар әртүрлі климаттық-географиялық сипаттамаларымен белгіленеді [2].

Генетикалық ара қашықтыктарды зерттеу үшін бастапқы мәліметтері ретінде Hp, C<sub>3</sub>, Gc, PGM1, GLO1, EsD, AcP генетикалық полиморф-тық жүйелері бойынша жергілікті популяцияларды се-рологиялық зерттеу кезеңінде анықталған генотиптік жиіліктерінің анықтамалары және оларды талдау арқылы алынған нәтижелері пайдаланылды [1, 3].

Генетикалық арақашықтықтар әр түрлі әдістер арқылы анықталады: олардың авторлары M. Nei (1972), R. Knussmann (1962), M. B. Малютов және В. П. Пасеков (1971) [4–6]. Ней әдісі арқылы анық-талған генетикалық арақашықтықтары қос популя-циялары үшін локустардың полиморфизмі жөнінде генетикалық сәйкестіктің өлшемін сипаттайтыны. X және Y жергілікті популяциялары үшін Нейдін фор-муласы төмендегідей түрде [4]:

$$D = -\ln(I_{xy} / \sqrt{I_x \cdot I_y}),$$

(1)

Мұнда  $I_x$ ,  $I_y$  және  $I_{xy}$  – X және Y популяцияларында кездейсоқ түрде таңдалған екі гендер бойынша сәйкестіктің бірынғайланған ықтималдықтары;  $x, y$  – X және Y популяцияларындағы локустардың аллельдік жиіліктері.

Нейдін пікірі бойынша (1) формуласынң көме-гімен популяциялар аралығындағы локусқа қа-тысты жалпы кодондық айырмашылықтары өлшенеді. Осылай болғандықтан бұл формула биологиялық маныздылықты көрсетеді.

#### Алынған нәтижелер және оларды талқылау

Жергілікті казақ, ұйғыр және қырғыз популя-циялары аралығындағы генетикалық қашықтықта-рын анықтау жолын гаптоглобин Hp локусы бойынша мысалымен көрсетіліп отыр.

Қазақ популяциясындағы гендік сәйкестіктің бірынғайланған ықтималдығын ( $I_x$ ) анықтау үшін Hp локустың  $Hp^1$  және  $Hp^2$  аллельдік жиіліктерінің анық-тамалары ( $x_1$  және  $x_2$ ) есепке алынады [1]. Сонымен (1) формула арқылы анықтаманың көрсеткіш деңгейлері қазақ популяциясы үшін  $I_x = 0,580802$ , ұйғыр популяциясы үшін  $I_y = 0,608578$ , Сары-Таштың қырғыздары үшін  $I_{y2} = 0,544301$ , Таластың қырғыздары үшін  $I_{y3} = 0,555778$  тен болып табылды.

Қазақ популяциясы мен салыстырмалы популяцияларындағы екі кездейсоқ таңдалған гендердің сәйкестігі ( $I_{xy}$ ) қалыпты түрдегі ықтималдық арқылы көрсетіледі. Сонымен, қазақ және ұйғыр популяциялары үшін  $I_{xy} = 0,593666$ , қазактар мен Сары-Таштың қырғыздары үшін  $I_{xy} = 0,560001$ , қазактар және Таластың қырғыздары үшін  $I_{xy} = 0,567134$  тен

болып табылды.

Сонымен Кегеннің қазақ және салыстырмалы ұйғыр популяцияларының арақашықтығы төмендегідей түрде анықталады:

$$D_{\kappa-y} = -\ln\left(\frac{(I_{xy} = 0,593666)}{\sqrt{(I_x = 0,580802) \cdot (I_y = 0,608578)}}\right) = 0,001451.$$

Осылайша Кегеннің қазақ популяциясы және Сары-Таш пен Таластың қырғыз популяциялары аралықтарындағы генетикалық қашықтықтар, сәйкесінше  $D_{\kappa-C-T} = 0,004018$  және  $D_{\kappa-T} = 0,001793$  түрдады.

Сонымен, Кегеннің қазақ популяциясы мен са-лыстырмалы популяциялары үшін 17 аллельдерге иеленген 7 тәуелсіз полиморфтық локустары бойынша генетикалық ара қашықтық деңгейлері қалып-тама түрде кестеде жүйеленді.

#### Кеген қазақтарының салыстырмалы популяцияла-рына қатысты генетикалық ара қашықтықтар қалыптамасы

Генети- калық локус	Қазақ популяциясының генетикалық арақашықтығы		
	Ұйғырлармен (Пиянь)	Қыргыздармен (Сары-Таш)	Қыргыздармен (Талас)
Hp	0,00145	0,00402	0,00179
EsD	4,026E-5	9,920E-6	3,481E-4
GLO1	7,023E-4	0,00548	0,00180
PGM1	0,00431	0,01344	0,01222
C'3	0,00848	0,00005	0,00548
Gc	0,03406	0,00268	0,00304
AcP	0,01982	0,00002	0,01031
Орташа мәндері	0,00984	0,00367	0,00499

Қалыптамадан көрініп тұрғандай, Кегеннің қазақ популяциясы және ұйғыр мен қырғыз популяциялары аралықтарындағы генетикалық қашықтықтары әртүрлі деңгейлермен сипатталады. Сонда да жеке локус бойынша генетикалық арақашықтықтары серологиялық зерттеу барысында жиіліктердің байқалған деңгейлерімен сәйкестеніп түр. Мысалы, Hp локусы бойынша қазактардың салыстырмалы популяциялармен генетикалық арақашықтықтары мынадай қатар бойынша өседі: 0,00145 (Пиянь) ® 15,000179 (Талас) ® ® >0,00402 (Сары-Таш). Бұл қатар атальмыш популяциялардың Hp локустың  $Hp^1$  аллелінің жиілік деңгейлерінің өсу бағытына

сәйкес: 0,267 (Пянь) ® 0,333 (Талас) ® 0,349 (Сары-Таш) [3]. EsD локусы бойынша қазақ популяциясы Сары-Таштың қырғыздарына өте жақын – атальмыш популяциялардың осы локус бойынша  $EsD^1$  аллелінің орташа жиіліктері тәжірибелі бірдей: қазақтар үшін 0,793 және Сары-Таштың қырғыздары үшін 0,796 тең [1]. Gc локусы бойынша қазактардың салыстырмалы популяциялармен генетикалық арақашықтықтардың өсу қатары мынадай: 0,00268 (Сары-Таш) ® >0,00304 (Талас) ® ® 0,03406 (Пянь). Бұл қатар атальмыш популяциялардың Gc локустың  $Gc^2$  аллелінің жиілік деңгейлерінің өсу бағытына сәйкес: 0,186 (Сары-Таш) ® ® 0,217 (Талас) ® ® 0,328 (Пянь). PGM1 локусы бойынша қазактардың салыстырмалы популяциялармен генетикалық арақашықтықтардың өсу қатары 0,00431 (Пянь) ® 0,01222 (Талас) ® ® 0,01344 (Сары-Таш) атальмыш локустың PGM<sup>2</sup> аллелінің жиілік деңгейлерінің өзгерілу қатарына сәйкес келеді: 0,178 (Пянь) ® ® 0,217 (Талас) ® ® 0,226 (Сары-Таш) [1, 3].

Жалпы айтқанда, Кегенниң қазақ популяциясы мен салыстырмалы популяциялардың генетикалық арақашықтық бойынша деңгейлерінің барлық локустар бойынша жалпыланған орташа деңгейі қазақ популяциясының қырғыз популяцияларына жақын екенін көрсетті. Серологиялық зерттеу нәтижесінде атальмыш популяциялардың ұқсастығын популяциялар мекендейтін аймактардың климаттық-географиялық факторларының әсер ету дәрежесімен, алдымен географиялық бір ендікте орналасумен байланыстырылған. Дәлдікке келтірсек, сол қырғыз популяциялары арасынан Кегенниң қазақ популяциясына ен жақын Сары-Таштың қырғыздары болып тұр – арақашықтығы шамамен 0,004 тең, содан соң Таластың қырғыздары (арақашықтығы шамамен 0,005 тең). Серологиялық зерттеу үрдісінде Кеген мен Сары-Таш аймактардың биіктік деңгейлері біркелкі және бұл аймактарда мекендейтін популяциялар жуық бірдей қысылтаян жағдайларда тіршілік жасайтыны анықталған. Көрініп тұргандай, популяциялардың генетикалық арақашықтарын зерттеу барысында коршаған ортаның генетикалық деңгейде популяцияларға әсер ету мәселесі қозғалып тұр.

Сонымен, биік таулы аймактарда мекендейтін жергілікті популяциялардың генетикалық арақашықтырын талдау барысында алынған нәтиже сероло-

гиялық зерттеу арқылы анықталған қазақ және салыстырмалы популяциялардың жақындық дәрежесі толық расталды.

### ӘДЕБІЕТ

1. Сейитов С.Б., Смагұлов О. Популяциялардағы гендердің жиіліктерін бағалау (бінкі тауды мекендейтін қазақ популяциясының үлгісіне орай) // ҚҰУ Хабаршысы. Биология сериясы. 2006. № 2(28). Алматы: ҚазҰУ баспасы, 2006. 51–55-бб.
2. Чупахин В.М. Высотно-зоональные геосистемы Средней Азии и Казахстана. Алма-Ата: Наука, 1987. 256 с.
3. Сейитов С., Смагұлов О., Берсімбаев Р., Смагұлова А., Факкини Ф., Фиори Дж. Жергілікті популяцияларды серологиялық зерттеу бойынша нәтижелер (әр түрлі биіктіктердің аймактарды мекендейтін жергілікті популяцияларының үлгісіне орай) // ҚазҰУ Хабаршысы. Биология сериясы. 2006. №3(29).
4. Nei M. Genetic distance between population // Amer. Nat. 1972. V. 106.
5. Knussmann R. Moderne statistische verfahren in der Rassenkunde // Die neue Rassenkunde. Stuttgart, 1962.
6. Малютов М.Б., Пасеков В.П. Реконструкция родословных деревьев изолированных популяций. М., 1971. Препринт № 19.

### Резюме

С целью уточнения результатов серологического исследования по множеству генетических маркеров локальных популяций, обитающих в горных районах, проводится исследование генетических расстояний популяций.

### Summary

With aim to define results of serological research on genetic markers variety of local populations inhabiting in mountain regions populations' genetic length was put into investigation.

ЭОЖ 575

<sup>1</sup>Әл-Фараби атындағы  
Қазақ Ұлттық университеті;

<sup>2</sup>КР БФМ жалты генетика  
және цитология институты;

<sup>3</sup>Ш. Уалиханов атындағы тарих  
және этнология институты 13.10.06 ж. түскен күні